

ხაშურის კულტურის სახლს სრული რეაბილიტაცია უტარდება

22 ივნისი 2021

ხაშურში კულტურის სახლის რეაბილიტაცია მიმდინარეობს. პროექტი ადგილობრივი ბიუჯეტის დაფინანსებით ხორციელდება, რომლის ღირებულებაც 900 000 ლარზე მეტს შეადგენს. სამუშაოების ფარგლებში უკვე მოეწყო სცენა, საოპერატორი სივრცე, მოპირკეთდა ჭერი და შეიღება კედლები. ამ ეტაპზე მიმდინარეობს დარბაზში იატაკის დაგება, რის შემდეგაც დამონტაჟდება სკამები, მოეწყობა გახმავანებისა და განათების სისტემები. პროექტი მიმდინარე წლის ზაფხულში დასრულდება და ქალაქს თანამედროვე სტანდარტების შესაბამისი კულტურის სახლი შეემატება.

სამუშაოების მიმდინარეობას შიდა ქართლის სახელმწიფო რწმუნებული ვალერიან მჭედლიძე ქარელისა და ხაშურის მაჟორიტარ დეპუტატთან ზაზა დუგლადესთან და ადგილობრივი თვითმმართველობის წარმომადგენლებთან ერთად გაეცნო. რწმუნებულის თქმით, პროექტის განხორციელება ხელს შეუწყობს მუნიციპალიტეტის კულტურული ცხოვრების მეტად განვითარებას, რაც განსაკუთრებულად მნიშვნელოვანია ადგილობრივი ახალგაზრდებისთვის.